

Von allerhand Arzney/
Cap. xi. Von dem Athem.

So einem Menschen der Mund oder
Athem fast stinckt oder schmeckt.

Romaticum rosarum Gabriels in dem Mund
gehalten / verreibt den bösen Geschmack des
Mundes vnd der Zän.

Negelein vnd Paradis Holz im Mund ge-
käwet / macht ein guten Geschmack.

Item / ist der Geschmack von Säule des Mundes /
so wäsch den Mund mit Salbeywein / vnd nimb dar-
nach Myrthen ein weil in den Mund / darnach so wäsch
den Mund wider mit Salbeywein / vnd nimb ein
stücklein Galgant in den Mund / das verreibt den
geschmack der Zän vnd Munds von säule.

Eppich samen genützt / macht gut den Mund.

Lignum Aloes / in dem Mund gekäwet / benimpt
den bösen Geschmack.

Coriander mit Zucker überzogen / vnd genützt / ma-
chet ein wolriechenden Mund.

Galgant in dem Mund gehalten / nimpt den Ge-
schmack des Mundes.

Item die Rinden von dem Baum Citron / gesotten
in Wasser / vnd den Mund damit gewaschen / benimpt
das stincken des Mundes.

Münzen in Wein gesotten / vnd den getruncken be-
nimpt das riechen.

Manus Christi genützt / macht ein wolriechenden
Mund.

Item ein wenig Bisem gekäwet / macht den Mund
wol schmecken.

Sitwan Wurzel oft genützt / macht ein fast wolriez-
henden Mund.

Zucker darinn ein wenig Ambra gemischt wird /
vnd den genützt / macht ein wolriechenden Athem.

Cap.